

Flash Notes

Pharmacology | Chapter 1 “GIT”

Overview

- احنا عندنا فى الترم الثانى ده الحقيقة كذا موضوع مهمين جداً.
- حسب ترتيب المحاضرات السنادى هنبداً بالـ **GIT pharmacology** وده فى موضوع مهم أوى اللى هو الـ **peptic ulcer**، مهم أوى نظرى وفي عليه حالة **clinical** كمان. كنت أفضل ناخد الـ **clinical** مع النظرى بس معلى الـ **ulcer** هناجل الـ **clinical** بتاعها شوية، ناخد بس النظرى إن شاء الله الأول.
- وبعد الـ **peptic ulcer** موضوع أصغر شوية موضوع اسمه **anti-emetics**، إزاي نعالج الـ **vomiting** وده **clinically** مهم وفى الامتحانات مهم يعنى بقالنا كذا سنة ببيجي أسئلة فى الـ **written** على الجزء بتاع الـ **anti-emetics**.
- يمكن الـ **ulcer** فى النظرى مش عايز أقولك مش مهمة طبعاً ولا حاجة بس جايز ميقاش فى النظرى أسئلة عليها كتير على أساس هى حالة **clinical** ممكن كاملة عليها مثلاً **say** خمس ست سبع درجات فالحاجتين دول مهمين فى الـ **GIT**.
- بعد كده عندنا موضوع أقل فى الأهمية اللى هو بنسميه **purgatives** أو علاج الـ **constipation**، وعندنا حاجة صغيرة كده وهى **treatment of diarrhea**، وفى شوية **definitions** كده يعنى ناخداهم على الماشى؛ مش حاجة ليها قيمة أوى فى الامتحانات.
- بعد الـ **GIT** فى ترتيب الجدول على حسب ما عرفت فى الـ **Blood pharmacology** وده برده من الحاجات المهمة أوى. أهم موضوع فيه هو الـ **anti-coagulants**، موضوع لازم تذاكره كويس أوى، فيه إن شاء الله مجموعتين كبار:
 - مجموعة اللى هى الـ **Heparins** و مجموعة تانية اسمها الـ **Oral anti-coagulants** و المقارنة ما بينهم ودى من الحاجات المؤكدة يمكن فى امتحان آخر السنة إن شاء الله
 - بعد موضوع الـ **anti-coagulants** فى مواضيع أصغر شوية اللى هى الـ **anti-platelet drugs**:
 - عندنا الجزء بتاع الـ **fibrinolytics**: الأدوية اللى بتدوب الجلطة
 - وعندنا **treatment of anemia** كده باختصار
 - السنة دى فى اهتمام شوية بعلاج الـ **hyperlipidemia**، يعنى عرفت برده إن الكتاب الجديد فيه توسع شوية فى علاج الـ **atherosclerosis** والـ **hyperlipidemia** إن شاء الله هنقولاه بالتفصيل.
- الجزء اللى بعد كده أعتقد هيبقى الـ **endocrine pharmacology**. الـ **endocrine** فيه أربع مواضيع كلها مهمة أوى فى الامتحانات.
- عندنا مجموعة الـ **steroids**: الـ **cortisone** يعنى وكل المجموعة اللى معاه

VISIT...

LANZAROTE
Caliente.COM

← عندنا treatment of diabetes وبرده عليه حالة clinical إن شاء الله نقولها مع بعض
← عندنا Thyroid hormones وهنتكلم فيها بقى على حاجة أهم اللي هي anti-thyroid drugs، إزاي نعالج
hyperthyroidism-

← الموضوع الأخير اللي هو بنسميه sex hormones،
لكن الحقيقة يعنى تركيزنا كله هيبقى على contraceptives، hormones اللي بتتاخذ علشان تمنع الحمل.
كده الأربعة، بيبقى عندنا : cortisone و thyroid و diabetes و sex hormones أو oral contraceptives بالتحديد
فى عندنا بقى other hormones، كلام فسيولوجى بسيط أوى: Glucagon و Pituitary مش عارف إيه كلام كده على
الماشى أوى.

• الجزء اللي بعد كده، أنا فى نظرى طبعاً هو أهم جزء فى pharmacology كله.
اللى هو الـ anti-biotic، احنا بنسميه طبعاً الـ chemotherapy وهنعرف إن شاء الله إن فى فرق بين كلمة anti-biotic و
كلمة chemotherapy وقتها إن شاء الله.
كل الأطباء لازم يعرفوا كويس الـ anti-biotic، للأسف احنا بنأجله شوية فبينضغط لكن إن شاء الله هنحاول نقوله مع بعض
بشكل كويس أوى.
فى طبعاً مجموعات من الـ anti-biotic هناخدوها كلها إن شاء الله

• بعد الـ anti-biotic والمفاجأة العجيبة يعنى إن الـ CNS اللي هو أكبر جزء فى الترم التانى مؤجل لحد تقريباً آخر الترم إلا
إذا حصل تعديل فى الجدول بقى.
الـ CNS كما تقريباً أد الـ Autonomic، يعنى حاجة ضخمة يعنى فمش عارف بقى السنادى هنقول كل الموضوعات ولا
هننقى موضوعات فيه.

لأن فى موضوعات مهمة أوى مثلاً زى:

← الـ Analgesic، الـ Aspirin ومجموعته و الـ Morphine ومجموعته، دى حاجة أساسية.
فى حاجات تانية أعتقد لو مدرسنهاش فى تالته مش كارثة أوى يعنى.
← يعنى إزاي نعالج الإكتئاب ولو إنه مهم شوية برده اليومين دول
← إزاي نعالج الـ anxiety
← إزاي نعالج حاجة زى الـ psychosis، شيزوفرينيا والحاجات دى
← إزاي نعالج الصرع
يعنى طبعاً مهمة لكن أعتقد لو فى فرصة أو فى نية للتضحية بموضوعات يمكن بيبقى بحاجة من دول.

• بعد الـ CNS تقريباً مفيش حاجة مهمة، هتلاقى الكتاب بقى فيه كلام كتير أوى:
Chelating Agents، Vitamins، ومش عارف **immune-pharmacology**. كل الكلام ده
فى السنين العادية لا يدرس ما بالك بقى بالسنين الكبيسة يعنى أكيد مش هنبجي ناحيته خالص، مش علشان احنا بنطنش، هو
فى المحاضرات مبيقاش فى وقت فده إن شاء الله مفيش منه مشاكل.

PEPTIC ULCER

هنبداً إن شاء الله النهاردة بقى بالـGIT Pharmacology.

زى ما اتفقنا إن أول موضوع فيه هو الـpeptic ulcer، هنتكلم إن شاء الله عن الـdrugs. مش عارف بقى الكتاب هو أنا على حسب ما سمعت علشان أنا لسه مش معايا الكتاب الجديد بس من مصادر موثوق فيها عرفت إن الكتاب زى ما هو متغيرش إلا شكلاً يعنى، موضوع تنظيم أو ترتيب لكن المعلومات هى هى. فهنبداً النهاردة إن شاء الله كده نتكلم وبعد كده هيبقى معايا النسخة الجديدة ونتابع مع بعض من الكتب كالعادة إن شاء الله.

معرفش احنا سمعنا عن القرحة أكيد قبل كده فى الـpathology ولا لسه؟!

Definition:

إيه الـdefinition بتاع الـpeptic ulcer؟ يعنى لو قلت واحد عنده قرحة فالـpeptic ulcer معناها؟! معناها break أو damage أو injury، غالباً بيبدأ فى الـmucosa بتاعة الـGIT يعنى المفروض إن فى هنا mucous membrane كده، لو حصل injury أو damage فى المكان ده وبدأ يبقى فيه exposure للـsub-mucosal tissue يبقى احنا دخلنا فيما يسمى بالـpeptic ulcer. * لو موجودة فى الـstomach يبقى اسمها gastric ulcer، لو موجودة فى الـduodenum يبقى اسمها duodenal ulcer.

Clinical Picture:

مش هنتكلم clinically أوى يعنى علشان مش مجالنا فى سنة تالتة. بس يعنى هنشخصه إزاي؟ يعنى هيبقى يشتكى بإيه؟ يعنى الـclinical picture إيه؟ يعنى هعمله إيه investigations علشان أشخصه؟ * تفكر هيشتكى من إيه اللى عنده damage فى الـmucous هنا؟! • Pain: الـpain ده موجود فى حته اسمها الـepigastrium اللى بيسموها بالعربى فم المعدة يعنى هيبقى يشتكىك بـepigastric pain. ولو سألت العيان هتلاقيه بيقولك أنا عندى وجع فى الحته الفلانية ويشاور بإيده على المكان اللى فيه الوجه، لو أنت ضغطت عليها هيتألم العيان و دى اسمها epigastric tenderness ودى شكوى أو علامة مهمة أوى • الحاجة التانية بقى بيبقى عنده مشاكل anorexia أو فقدان الشهية • بيبقى عنده nausea ويبقى عنده vomiting، وإن شاء الله فى الـclinical هتعرف الـvomiting ده لو حصل قبل الأكل أو بعد الأكل بيدينى فكرة هى gastric ولا duodenal، لكن نفكر إن من ضمن المشاكل بتاعة العيان الـanorexia والـvomiting

Complications:

- الحاجة بقى اللى تخزف أوى إن بيتدى يحصل complications.
- تفتكر إيه الـ complications اللى ممكن تحصل؟!
 - يعنى مريم قالت **bleeding** ← hemorrhage من الـ Upper GIT، وعلى فكرة الـ bleeding ده ممكن يموت العيان عقبال لمّا يتنقل للمستشفى، bleeding ulcer ده ممكن يكون دخل فى shock • ويمكن يحصل **perforation** صح؟!
يعنى بيتدى الـ ulcer بقى، يعنى يغط فى الـ tissue بناءة الـ stomach لحد ما تفتحها على الـ abdominal cavity سواء هنا أو هنا.
 - المشكلة فى إيه فى الـ perforation؟!
← الـ **peritonitis** ودى حاجة برده قد تكون fatal
 - ساعات بيحصل healing بالـ fibrosis وتلاقى الجزء ده حصل فيه شوية obstruction على الـ pyloric end "حصل فيه obstruction يعنى العيان يجيله حاجة اسمها **pyloric obstruction**
دى كلها عبارة عن complications وعلى فكرة جايز أول شكوى للعيان ممكن بييجى بـ complication أول مرة ويبقى جاي بنزيف أو جاي بـ peritonitis، مشتكاكش قبل كده أو مطنش أو احنا مش واخدين بالنّا إن عنده ulcer
- يبقى ده الـ clinical picture، أشخصها إزاي بقى؟
يعنى إزاي أتأكد إن دى peptic ulcer غير الشكوى وغير الـ pain وغير الـ tenderness الأساس دلوقتى يا جماعة فى تشخيص الـ ulcer هو الـ endoscopy، إن أنا أعمل منظار، مش بس هعمل منظار ده أنا هأخذ معاه biopsy

تفتكر ليه biopsy؟ ليه عينة؟!

- 1- هو فى الـ gastric لازم أعمل biopsy لأن أنا عايز أفرق بين الـ benign ulcer بتاعتنا دى وبين الـ malignant، هما شبه بعض جداً فى الأعراض يعنى هيفضلوا فترة طويلة أوى نفس الأعراض فلانمّا **exclude** إنها malignant-ulcer
ولا لأ، يعنى هنسمع إن شاء الله إن فى نوع من البكتيريا Helicobacter Pylori السبب التانى بقى عايز أعرف هل فيه % من الحالات 90 تقريباً فى ulcer يُقال إنها سبب الـ Helicobacter Pylori اسمها Gram negative bacilli السبب التانى للـ biopsy عايز أعرف هل هى helicobacter pylori ولا لا يعنى هنعرف دلوقت إن فى نوع من البكتيريا أو نوع من الـ gram -ve bacilli اسمها H pylori يقال إن هى سبب الـ ulcer فى 90% من الحالات

أشخصها تانى إزاي؟ انتو واخدين مايكرو بقى ؟

2-serological صح

- 3- وفى اختبار حلو أوى وسهل أوى إنت عارف إن الـ helicobacter دى بنقول عليها urease producing يعنى بتكسر الـ urea عندها enzyme بيكسر الـ urea يدينى إيه لما تتكسر؟؟

Introduction to peptic ulcer

ammonia الـ ammonia يتطلع مع النفس فنعمل حاجة اسمها **breath test** اقيس كمية الـ urea بتاع العيان فى النفس لو هى عالية معنى كدة إن أنا عندى مشكلة الـ helicobacter

4-طبعا فى other methods of diagnosis بتاعة زمان بقى بعمل حاجة اسمها barium meal ممكن بالسونار تبان لكن الحاجة الاهم إن أنا أعمل endoscopy وممكن معاه الـ biopsy

طب ده بالنسبة للـ clinical picture الـ symptoms والكلام ده تعاللى بقى ندخل فى كلام فارما شوية

Patho-physiology:

هو ليه الإنسان العادى مبيجيلوش peptic ulcer عندنا balance مابين حاجتين مهمين أوى يا جماعة حاجة بنسميها الـ offensive agents أو الـ aggressive agents الحاجات اللى هى عندها النية إنها تعمل damage فى الـ mucus membrane اللى هم:

• الـ HCL

• الـ pepsin

• وكتاب العمل حاطط معاهم الـ bile salts

• فى حاجة مهمة جدا اللى هى الـ H pylori مش لازم عند كله طبعا

وفى المقابل بقى فى الـ mucosal protective mechanism mucosal protective agents اللى هم ؟

• نمرة واحد الـ prostaglandins

• هتلاقى الكتاب كاتب معاهها الـ bicarbonate طبعا كلام صح فيه فى الميه بس هو الحقيقة اهم defensive mechanism هو

وجود الـ prostaglandins

ومتهاىلى احنا شرحنا مع بعض الجزء بتاع الأوتوكويد عايز بقى افكر الـ prostaglandins دول إزاي بيتصنعو علشان الكلام ده

هيهنا فى الـ ulcer وافكر هم كانوا بيعملو ايه protective فى الـ GIT

خلينا نفتكر هم كانوا بيتصنعو إزاي ؟

بنبدأ من الـ phospholipids بتاعة الـ cell membrane بيتحولوا الـ arachidonic acid بـ enzymes اسمهم الـ

phospholipase كان فى كذا نوع بس اللى كان بيدبني one step الـ A2 معظم الـ arachidonic acid كان بيدبني

prostaglandins من غير تفاصيل أوى فى هنا enzymes اسمهم الـ cox فاكرينهم اللى هم 1 و 2 و 3 بيدبني فى الأول

intermediates اسمهم H₂ & G₂ prostaglandins وبعد كدة يدوني الـ prostaglandins اللى أنا بتكلم عليها الـ E و الـ F

ويدوني حاجة اسمها A₂ thromboxane ويدوني Prostacyclin بتاع الـ endothelium of blood vessels خلينا نفتكر بس

الـ PGE₂

الجزء الذى فاضل من الـ arachidonic acid عن طريق إنزيم اسمه 5-LOX يدينى leukotrienes بتوسع ايه دول؟؟
الـ bronchial asthma ملناش دعوة بالقصة دى دلوقت

*نرجع بقى لسؤالنا إزاي الـ prostaglandins ليهم protective effect؟؟

فى حاجة مهمة أوى وهفكر دلوقت بالطريقة بتاعتها

- 1- they are inhibit HCL secretion ونتفق كدة اى دوا يقلل الـ HCL ينتقال عليه antisecretory
 - 2- الحاجة الثانية : بيزود الـ mucus الذى هو بيعمل زى protective barrier كدة بييسموها الـ demulcent يعنى عامل طبقة عازلة ما بين الـ HCL والـ PEPSIN وما بين الخلايا بتاعة الـ mucus membrane
 - 3- بيزود الـ bicarbonate علشان يعمل buffer بقى أو acid neutralization
 - 4- يعمل حاجة مهمة أوى vasodilatation يهمنى فى ايه الـ vasodilatation ده؟؟
- يعمل blood flow كويس بحيث لما يحصل damage يحصل regeneration بسرعة

*طيب سؤال بقى إيه الأدوية التى حضرتك سمعتها التى ممكن تعمل peptic ulcer؟؟

وخلى بالك الـ ulcer دى هيبقى اسمها iatrogenic يعنى سببها الدوا

- 1- أى حاجة توقف الـ pathway ده بتاع الـ prostaglandin تعمل peptic ulcer زى إيه كدة؟

NSAIDs مش عايز اقلب عليك المواجه بس إنت فاكرك فى الـ nonsteroidal

*ده كان فى مجموعة اسمها non selective cox inhibitors زى الأسبرين وكثير زيهم يعملو ulcer ولا لا؟

يعملو، ليه؟؟ علشان كان فى نوع من الـ COX كدة كان اسمه COX1 الى كان مسئول عن تكوين الـ protective prostaglandins لو إنت منعتة بالأسبرين هتعمل قرحة

*طب كان فى مجموعة اسمها selective cox2 inhibitor فاكركين الـ cox2 يعمل ulcer ولا لا؟؟

لا، ليه؟؟ المجموعة دى المفروض إنها متعملش ulcer لإنها بتشتغل على

الـ cox2 وملهاش دعوى بالـ COX1

عمرها ما تعمل ulcer؟؟

لو اديناها بجرعات عالية وفترة طويلة بيفقد الـ selectivity بتاعته فممكن يدينى ulcer لكن احتمال الـ ulcer أقل بكثير أوى من الـ

aspirin

*فى مجموعة بقى اسمها selective cox3 inhibitors اللى هى الـ paracetamol واخواته بتشتغل central بس تعالج
headache تعالج pain تعالج حرارة لكن متعملش peptic ulcer

-2 إيه تانى يعمل قرحة؟؟

corticosteroids الـ glucocorticoids أو الـ cortisol فاكيرين كانوا بيصنعو بروتين اسمه lipocortin فكان بيمنع تكوين
الـ prostaglandins

طبيب عيان إنت مضطر تديله cortisol وإنت سيادتك عارف إن دول هيعملو قرحة فى المعدة هناخد كذا دوا يعالج الحكاية دى
لكن لو هنمشى بقاعدة داويها بالتى كانت هى الداء يبقى prostaglandin analogues حاجة مصنعة شبه الـ PGE ده بحيث لما
أخدها تصلح مشكلة الـ prostaglandin فاكيرين دوا اسمه misoprostol مكانش على فكرة ليه عيوب كتيرة يعنى شوية colics
و diarrhoea وكلام فارغ كدة بس كان ممكن يعمل كارثة لو اتأخذ فى الحوامل يعمل abortion لأن كل الـ prostaglandins
are oxytocin

طب ده بالنسبة لـ prostaglandins بيعملو إيه بقى فى الـ GIT احنا قلناها مش كدة ؟

بيمنعوا HCL

بيزودوا mucus

بيزودوا bicarbonates

ومهم أوى بيزودوا الـ blood flow

طبيب تعالى بقى فكر معايا كدة الـ peptic ulcer بالنسبالنا عبارة عن إيه؟؟ العادى إن بيبقى عندى offensive agent وقصادهم

protective agents in balance بيبقى امتى يجيلى قرحة ؟ لو حصل imbalance يعنى إيه ؟

يعنى الـ HCL والـ Pepsin زادو وعلى فكرة الكلام ده علميا مبيحصلش أوى لكن أهم الـ protective agent الـ helicobacter

أو يكون السبب بقى deficiency of protective agents يعنى deficiency of prostaglandin اللى هو يكون سببها زى ما
قلنا دلوقت ادوية

طب سيادتك فكر معايا كدة إزاي أعالج القرحة؟؟

أعمل balance أعمل إيه بقى ؟

•الحل الأول :ادى حاجة تقلل الحمض اسمها إيه دى ؟ anti-secretory وعلى فكرة أول ما تقلل الحمض الـ pepsin مش

هيشغل ادى حل , عشان هيكون pepsinogen غير نشط

• الحل التانى :أنا قللت الكفة اللى كانت عالية الحل التانى أعلى الكفة التانية ادى prostaglandin analogue زي

misoprostol

الـ mechanism يتاعه ايه؟؟

بما إنه prostaglandin analogue يبقى هيشغل على prostaglandin receptors
طب لما اشتغل عليهم عمل ايه فى الـ GIT؟؟زود mucus, blood flow وقلل الحمض علشان كدة يقلل الـ ulcer وخصوصا لو
كان سببها دوا
•الحل الثالث لو helicobacter لازم اعالجها مش كدة ودى بكتيريا عايز أموتها يبقى بـ antibiotic يعنى مش لازم أسامى أوى
إنهارة بس الحقيقة اهم واحد اسمه clarithromycin

Drug Therapy:

تعاللى بقى نشوف تقسيمة الأدوية اللى بتعالج الـ: prostaglandins
أعتقد من اللى قلناه تقدر تستنتج مجموعتين يعالجو الـ ulcer مش مهم الترتيب بس لو هنتكلم عن الأهمية يبقى:
1-مجموعة اسمها الـ **anti-secretory drugs** الهدف الأساسى منها المجموعة دى ايه ؟
تقلل الـ HCL وبالتالى هقلل الـ peptic activity معاها طيب دى مهمة جدا أساس فى علاج القرحة
2-المجموعة الثانية بقى الـ **anti-microbial** علشان أعمل eradication of helicobacter مش مهم اساميهم دلوقت بس
القطك اسم ولا اتنين قتللك اهم واحد الـ clarithromycin ودوا اسمه metronidazole عارفينه ده الفلاجيل بتاع السوق
فى بقى مجموعة قديمة شوية لكن لسة ليها دور اسمها tetracyclins ودى قديمة أوى ومزعة أوى لكن أحيانا بستعملها , فى دوا
اسمه amoxicillin تبع مجموعة الـ penicillin وفى دوا هنسمعه مرتين حاجة اسمها colloidal bismuth compounds افكر
إن احنا سمعناه علشان يعالج الـ helicobacter وهنسمعه إن شاء الله دلوقتى حالا
*فى قاعدة مهمة أوى لازم ادى anti- microbial 2 على الأقل علشان الـ synergism والـ resistant وكل الكلام اللى انتو
عارفينه ده , وغالباً هيبقى لمدة أسبوعين بس خلى بالك غالباً الـ clarithromycin ثابت وحط معاها أى حاجة ثانية بقى
3-طبيب المجموعة الثالثة بقى : مجموعة مقدرش الحقيقة أقول عليها إنها بتعالج الـ peptic ulcer لأن أنا لو قعدت أديها لوحدها
من هنا للسنة الجاية مش هتعمل حاجة
امال إيه فائدة إن أنا أديها بقى ؟ يقال عليها إنها symptomatic treatment بتقلل الوجع بتاع الـ ulcer بس
المجموعة دى اللى اسمها الـ **Antacids** اللى هى اختصار anti acid أدوية مضادة للحموضة ونفكر بإجماعة علشان خاطرى
اصلك هتلاقى فى الكتاب إنه ضمن أدوية الـ ulcer وبعدين يقولك إنه not used in treatment of peptic ulcer لأن أنا مش
هعالج بيهم الـ ulcer مش هعمل healing لكن هعمل symptomatic relief of pain

4- فى مجموعة اخيرة بقى اسمها **mucosal protective agents** تفتكر إيه الهدف منها ؟؟

أعمل نفس عمل الـ prostaglandins يعنى من غير ما اذاكرهم بقى كل المجموعة دى غالبا غالبا:

هتزدود mucus

هتزدود bicarbonate

ويمكن كمان تزدود prostaglandins

المجموعة دى معادش ليها دور أوى فى علاج الـ ulcer لكن مازالت موجودة والهدف منها إن أنا أعمل شغل

الـ prostaglandins

• من ضمنها دوا اسمه misoprostol خلاص خلصنا منه بقى مش كدة

• فى دوا تانى اسمه sucralfate وخلقى بالك منه علشان فى حد من أساتذتنا ببسأل عنه كثير فى الشفوى ولحد ما نوصله هو اسمه

عبارة عن 3 مقاطع sucrose ده اختصار و sucrose اختصار aluminum و fate اختصار sulfate أو phosphate يعنى على

حسب

السؤال ده على فكرة بيتسأل اللي هو إيه سموه sucralfate!؟

• تالت حاجة اسمها colloidal bismuth compounds سمعتو ده من شوية ؟ صح ده كان من ضمن الأدوية اللي بتتاخذ

eradication of helicobacter

• فى عندنا برضو من الأدوية اللي تحت مسمى mucosal protective agent دوا اسمه carbenoxolone دا دوا سمعناه قبل ده

صح ؟ ده دوا سمعناه فى الترم الأول افكركو كدة فاكرو مجموعة فى الـ diuretics اسمها K sparing diuretics اللي هى

المجموعة الـ diuretic الضعيفة اللي مبتقلش اليوتاسيوم بالعكس بتحافظ عليه , طب هى نفسها كان فيها مجموعتين مجموعة

اسمها مجموعة اسمها aldosterone antagonists و non aldosterone antagonists

الـ non اللي كانت الـ amirolide والـ triamterene

لكن أشهر واحد فى الـ aldosterone antagonists كان spironolactone

كان من ضمن الحاجات اللي بيعملها الـ spironolactone ده أو الـ drug interaction كان مع الدوا ده

الـ carbenoxolone ده دوا بيتاخذ لعلاج الـ peptic ulcer وهو على فكرة مشتق من licorice اللي هو العرقسوس

*بيشتغل إزاي بقى ؟؟

هو شكله steroid فيبينشط الـ aldosterone receptors لما تعمل الكلام ده فى المعدة يطالعك mucus و bicarbonate ويحمى

المعدة من القرحة، لكن إيه اللي يعملها فى الـ kidney؟؟ sodium and water retention

يبقى إيه العلاقة بينه وبين الـ K retaining diuretic اللي اسمه spironolactone؟؟

التانى عايز ينزل مية وملح وده بيحوش مية وملح يبقى antagonist

يبقى مينفعش ادبهم مع بعض

فلنلکم بردو فى سؤال بيتسأل فى الشفوى كثير تحس إنك قاعد فى محل عصير

*يقولك العرقسوس ده يعالج ايه وممنوع فى ايه؟؟

يعالج ايه ؟

ulcer • لأنه يعمل mucosal protection

لكن ممنوع فى إنه عيان ؟

• اللي عنده hypertension

• اللي عنده heart failure

• اللي عنده oedema

• أى حاجة بقى فيها مشكلة فى water and salt retention

Anti-secretory

تعالى بقى لل anti-secretory هقسمهم الأول وبعد كدة إن شاء الله نشرحهم علشان أفهم إزاي الأدوية دى بتقلل الـ HCL لازم افكر هى الـ parietal cells دى كانت بتشتغل إزاي ؟ أنا مش مستنى إجابة طبعا: !!

* الـ parietal cells عليها مجموعة من الـ receptors مهمة أوى:

1- عليها receptor بتاع histamine اللي هو اسمه **H receptor**

طبيب حاجة بس لاسترجاع الماضى مش قصدى ادائك ولا حاجة، هو الـ histamine ده كان ليه كام نوع من الـ receptors؟؟ أربعة

H1 كان بتاع بقى الجلد والـ allergy والـ blood vessels والكلام ده

H2 كان فى 3 أماكن مهمين الـ stomach أهم واحدة فى الـ parietal cells كان موجود على الـ heart فاكترين تجربة الـ heart بتاع العمل؟ وكان موجود على الـ blood vessels الـ blood vessels كان عليها H1 و H2 بس الـ H1 هيا الأهم

طبيب يبقى أنا فاكتر من زمان كدة إن كان فى H2 receptors طبيب بيشتغل إزاي بقى؟؟

بيشتغل بالـ G protein كان حاجة اسمها Gs يعنى ايه بقى ؟ يعنى الـ histamine لما يجى يمسك هنا يشغل الـ Gs يروح مشغل

enzyme اسمه cyclase adenyl يعمل ايه بقى ؟ يحول الـ ATP اللي cAMP

2- طبيب الـ receptor التانى **muscarinic** مش هديله رقم دلوقت بس هنوصله إن شاء الله بعد شوية , النوع الـ muscarinic

Introduction to peptic ulcer

اللى هنا عليه خلاف هل هو m_1 m_2 m_3 بس فى معظم الكتب هتلاقى مكتوب عليه m_3 أو m_2 و m_3

اللى بيقول m_1 ده صح مية فى المية بس لسة مجانش دلوقت

بيشتغل بايه الـ m اللى هنا ده ؟؟ بـ Gq ده كان بيعمل activation of phospholipase C فيدينى حاجتين حاجة اسمها dag

diacylglycerol و IP_3 المهم فى النهاية هيعلى الكالسيوم

هو مين اللى بيشتغل ده بقى ؟؟ الـ acetyl choline منين بقى ؟؟

branch من الـ vagus بيطلع acetyl choline يشغل الـ m اللى موجودة هنا

الـ acetylcholine اللى جاى منين يعنى؟ من الـ vagus مش كده جاى branch من الـ vagus بيطلع acetylcholine بيشتغل

الـ M اللى موجودة هنا دى.

3- طبيب فى receptor تالت ميهمناش اسمه gastrin receptor بيشتغل بهرمون اسمه الـ gastrin وبرضو عامل زى الـ M دا

بيشتغل بـ Gq يعنى ف النهاية هيزود لى كالسيوم جوه الـ parietal cells

4- حد يحب بقى يزود receptor تانى؟

قبل ما أقولك الـ receptor التانى بقى، هو مين اللى بيطلع الـ H جوه الـ lumen بتاع الـ stomach؟!

فى مضخه، مش كده !بتسحب K و تطلع بداله H اسمها إيه بقى المضخه دى؟ اسمها proton pump صح أو اسمها

hydrogen potassium ATPase ،

فاكر زمان أنا مش عايز الخبطك بس يعنى فاكر حاجة اسمها Sodium potassium ATPase ،

كان موجود فين دا؟

فى الـ heart ، مش كده !

اللى هو شغل الـ digitalis لما كان الـ digitalis بيووقف الـ enzyme دا، كان يحوش Na جوه وبعد كده الـ Ca^{+2} يعلى ويحصل

contraction ،

دى بقى اسمها hydrogen potassium ATPase ،

الـ H بيحصل له pump فى الـ lumen ويدخل بداله الك ،

طب فين الـ !! chloride مش هو اسمه HCL ؟ الـ Cl^- جاى منين؟

مش لازم بقى هى الحتة دى بقى زياده عن اللزوم بس فاكر أنت حاجة اسمها carbonic anhydrase enzyme كان بيعمل إيه

دا؟ كان بيخلى الـ carbon dioxide و الميه حاجة اسمها carbonic acid وبعدين الـ carbonic acid دا يدينى Hydrogen و

Bicarbonate ،

الـ H أهو نزل هنا أهو، و الـ bicarbonate دخل ف الدم و جى مكانه الـ chloride ، الـ Chloride shift بتاعة زمان دى مش

كده ببقى اتكون الـ HCL ،

أنا عايز بس اللى نركز عليه مين بقى اللى بـ activate الـ proton pump !؟

الـ Ca^{+2} و CAMP ، جابين منين دول؟

فكرنى كده الـ Ca^{+2} جاى منين؟ الـ Ca^{+2} جوه الـ parietal cells جاى منين؟

لما الـ muscarinic و الـ gastrin receptors اشتغلوا ،

و الـ CAMP جاى منين؟

لما الـ histamine شغل الـ H_2 receptors وعمل الـ Gs activation وطلع الـ CAMP ،

صح كده طيب!

قبل ما أقولك الـ receptor المختلف بقى، فى خلية هنا مهمة أوى أوى اسمها like cell enterochromaffin دى خدتها ف الـ

histology أو الـ physiology ،

الـ enterochromaffin like cells دى اللى بتطلع الـ histamine هنا، دى موجودة جوه المعدة نفسها المعدة نفسها هى اللى

بتطلع الـ histamine فبتطلع منها histamine يشتغل ع الـ H_2 receptors فيطلع الـ CAMP فيعمل الـ activation للـ proton

pump،

المفاجأه بقى لقينا على الـ enterochromaffin-like cells دى gastrin receptor ولقينا عليها muscarinic receptor

اسمه الـ M_1 ، الـ M_1 اللى الدكتور كان بيقول عليه وعمالين مستنبيينه ده مش كده، احنا كنا زمان فاكرين إن الـ M_1 دا موجود ع

الـ parietal cells طلع انه مش موجود ع الـ parietal cell طلع ان هو موجود على الـ enterochromaffin-like cell

-يبقى بالله عليك كده الـ vagus بيعمل إيه لما يشتغل؟

• هيشغل الـ M_1 مش كده فهىخلى الخلية دى تطلع histamine ،

• وهيشغل الـ M_2 أو M_3 اللى موجودين هنا فيـ activate الـ proton pump ،

صح كده طيب!

أنت حضرتك لو قفلك الـ histamine receptor دا عملت حاجات كتير أوى مش كده:

• خلبيت الـ histamine اللى طالع ميشتغلش

• وبالتالي عطلت شغل كمان الـ M_1 و الـ gastrin بقى ملهمش قيمة ، دا هما لما كانوا بيشتغلوا كانوا بيطلعوا histamine ، والـ

histamine دا يروح يمسك ع الـ H_2 ، دلوقتى أنت قافل الـ H_2 ،

*فاهمين قصدى إيه يا جماعة يعنى شغل الـ H_2 blockers مش بس دورهم ان أنا أوقف شغل الـ histamine دا أنا بعطل كمان

جزء من شغل الـ vagus وجزء من شغل الـ gastrin

-5 آخر receptor بقى دا inhibitory دا لما يشتغل يقلل الحمض

مين دا من شويه اللى عمل كده؟

الـ prostaglandin صح، يبقى في عندي receptor كمان بقى اسمه **prostaglandin receptor** ،

لما يتكون prostaglandin ويشتغل الـ receptor دا يعمل إيه تفتكر؟

هو بيشتغل عن طريق G_i protein ،

فكر فيها كده G_i يعني عمل إيه؟

inhibition للـ adenyl cyclase في قليل يبقى الـ proton pump أخبارها إيه! قلت مش كده.

* الـ vagus لما بييجي يشتغل بيطلع histamine من هنا، و الـ histamine اللي طلع دا مش هيشتغل، لو الـ gastrin جى طلع

histamine من الخلايا دي برضو ، يعني الـ gastrin هيشتغل هنا وهنا، الهرمون اللي طالع هيشتغل هنا على الخلية دي

فيخليها تطلع histamine و في نفس الوقت هيشتغل على الـ receptor دا في activate الـ proton pump.

* -دا لما بيشتغل بيعمل G_q activation فيزود Ca^{+2} ،

الـ Ca^{+2} هنا هي عمل إيه؟ release للـ histamine ، الـ exocytosis بتاع زمان، لو أنت قافل الـ histamine receptors يبقى

أنت لغيت شغل الـ gastrin كمان أو شغل كبير من شغل الـ gastrin صح، معادش ليه قيمة بقى هي يبقى فاضل لك بس الجزء بتاع

الـ gastrin أو الـ vagus على الـ receptor اللي على الـ parietal cell نفسها.

-طيب فكر معايا بقى أنا عايز إن شاء الله دلوقتي كده 5 مجموعات أدوية بيعالجوا القرحة by inhibition of HCL

secretion؟ أعمل إيه ف الـ H_2 و الـ Muscarinic و الـ gastrin؟

يبقى عد معايا كده :

H₂ Blocker:

مجوعة اسمها H_2 blockers أو H_2 antagonists مش كده،

اسمهم anti-histaminic؟

لا، ليه؟

عشان مبيشتغلوش ع الـ H_1 ، كلمة Anti-histaminic طلعت لما كنا فاكرين إن في H receptors بس بتاع الـ allergy

فاتسموا anti-histaminic ،

لكن دول اسمهم H_2 blockers أو H_2 antagonists ، هنعفظهم بقى بسهولة جدا لان كلهم آخرهم $tidine$ ، خلاص يبقى وأنت

مغمض كده الاسم العلمي اللي آخره $tidine$ يبقى one of the H_2 blockers ،

هما على فكره 4 اسامي مفيش غيرهم واحد اسمه **cimetidine** دا أقدم واحد وأوحش واحد،

وبعدين ظهر بعد كده واحد أقوى منه تقريبا 10 مرات اسمه **ranitidine** ،

وبعدين ظهر معاه واحد شبه الـ rani أوى اسمه **nizatidine** ،

وبعدين ظهر واحد بقى أقوى منهم كلهم اسمه **famotidine** أقوى من الـ rani و الـ niza عشر مرات، حد فاهم حاجة يبقى

Introduction to peptic ulcer

أقوى من الـ cimetidine كام؟ تقريبا 100 مره مش كده، يعنى بالنسبالي الـ reference هو الـ cimetidine دا أضعف واحد، عشر مرات أقوى منه دوايين اسمهم ranitidine و nizatidine ،
وبعدين ظهر بعد كده أجدد واحد أقوى واحد اسمع الـ famotidine دا أقوى من اللى فاتوا دول 10 مرات يبقى أقوى من الـ cimetidine تقريبا 100 مره.

Anti-Muscarinic:

إن أنا اقل الـ muscarinic مش كده، بـ muscarinic blocker أو muscarinic antagonist ، اسميهم إيه دول؟ anti-muscarinic أو anti-cholinergic ، فاكر زمان كده فى الترم الأول يعنى فى الأتونوميك كان فى دوا مشهور أوى أوى بيقفل كل الـ muscarinic أيوه الـ atropine كويس،
كان ليه أخ كده اسمه hyoscine أو scopolamine ،

ينفع تديهم فى علاج الـ peptic ulcer ؟

لا، ليه؟

- عشان هم non selective بيقفلوا كل الـ muscarinic
- وعشان هم tertiary amines يعنى إيه؟
- يعنى soluble يعنى هيعدوا الـ BBB و هيعملوا لى مشاكل فى الـ CNS وكل بقى عيوب الـ atropine اللى سمعناها زمان فمفيش بقى atropine ولا hyoscine دلوقتى،
- لكن فى مجموعة كانت بديلة للـ atropine كان فى مجموعة اسمها، anti-secretory anti-spasmodic atropine substitute ،
- كان فى دوا اسمه propantheline ،
- كان فى دوا اسمه oxyphenonium مش مهم أوى ،
- وكان فى دوا مكانش مكتوب ف الأتونوميك موجود هنا إن شاء الله اسمه oxyphencyclamine
- كل دول بيعملوا شغلهم بيقفلوا الـ muscarinic اللى موجودين هنا وهنا فيقللوا الـ HCL secretion ،

تفكر دورهم عالى أوى ف الـ ulcer ولا مش أوى ولا إيه الموضوع؟

هو أهم حاجة ف الـ ulcer إيه؟ !أهم حاجة ف الـ HCL secretion إيه؟!

الـ H2 و الـ proton pump مش كده،

الـ muscarinic دورها أقل شوية، وهقول لك سؤال وأنت فسر هولى ليه بعض الناس لما تاخد anti-muscarinic وعنده قرحة يتحسن أوى وناس تانيه تاخد anti-muscarinic ولا كأنها أخذت حاجة؟ اللى عنده vagal tone عالى فكر فيها كده!

Introduction to peptic ulcer

*إن اللي الـ vagal tone عالى غالبا هو اللي هيستفيد من الـ anti-muscarinic صح، لما أقفل له الـ muscarinic هيتحسن، لكن اللي معندوش مشكلة فالـ vagal tone مش هيفرق معاه أوى

- كان فى دوايين اسمهم selective M1 blockers الـ **telenzepine** و **pirenzepine** *دول هيشغلوا ازاي؟

←هيقفلوا الـ M1 مش كده!، فيمنعوا إن الـ vagus يخلى الخلية تطلع histamine،

سؤال بقى إيه تأثير الـ atropine وكل الأدوية اللي شبهه على الـ motility of GIT؟
هو الـ para كان بيعمل إيه فى الـ GIT؟ ←contraction فى الـ wall،
يبقى الـ atropine بيقلل الـ motility،

*أنت عارف أشهر receptor يعمل motility فى الـ GIT فى الـ M ات اللي احنا قولناها دى؟
←M3، كويس أوى!

هسألك سؤال بقى إيه تأثير الـ **pirenzepine** و الـ **telenzepine** على الـ motility of the GIT؟ بقلل M1 ومقللش أوى M3 عملت إيه فى الـ motility مقللش أوى الـ motility،

- طيب إيه رأيك فى الـ **propantheline** و الـ **oxyphenyclamine** و الـ **oxyphenonium**؟ دول بيقللوا الـ 1 muscarinic و 2 و 3 اللي موجودين فى الـ GIT عملوا إيه فى الـ motility؟ قللوا الـ motility،

سؤال غلس بقى هى الـ motility لما تقل دى حاجة حلوه ولا وحشة؟

لا فكر كده هو أنا لما أقلل الـ motility فى الـ GIT دا كويس ولا وحش؟

*بص هو احنا اتجاهنا فى القسم عندنا أو فى الكتب بتاعتنا إنها حاجة وحشة متشائمين شويه احنا، ليه بقى؟

←لما أقلل الـ motility بتاعة الـ stomach بعمل إيه

بعمل حاجة اسمها delay of gastric empty مش كده، باخد الأكل وبيفضل الأكل قاعد فى معدتى مبيتحركش،

←ولما أقلل الـ motility بتاعة الـ small intestine ييجى لى constipation،

فاحنا واخدين الجانب الوحش إننا نقلل الـ motility

*فى كتب تانيه تقولك إيه بقى لما تقلل الـ motility بتقلل الـ pain صح!

لما تقلل الحركة وبالذات الـ duodenum والـ stomach اللي فيهم قرحة

ال contraction بتاعه ساعات بيععمل نوع من الاحتكاك فيعمل وجع، مفهوم يا جماعة!
*لكن احنا لو اتسألت لو حصل حاله clinical أو غيره إنه هيعمل decrease of GIT motility مش حلو لأنه هيعمل
delay of gastric empty و هيعمل مشكلة ثانية اللي هي ال . constipation

فاضل إيه تاني اديه في علاج ال anti-secretory ulcer

Gastrin Antagonist:

- أقل ال gastrin receptors صح،
من حسن حظنا مش هنعرف غير أسامي بس معدناش شرح الحمد لله على الأدوية اللي بتشتغل كـ gastrin blockers
- في دوا اسمه **proglumide** اعرفوه خلاص كده
 - وفي هرمون كلهم عارفينه اسمه **somatostatin**
كان بيععمل إيه دا؟ !كان بيعمل بلاوى مش كده،
كان بيقلل الجلوكاجون والإنسولين
هو من ضمن الحاجات اللي كان بيعملها كان بيقلل ال gastrin release يبقى حلو برضو،
*في دوا بقى somatostatin Synthetic يعني مش هو الهرمون نفسه احنا صنعنا حاجة شبيهه اسمه ال **octreotide**
هنبص إن شاء الله في الكتاب على الأسامي دلوقتي، ممكن امنع خروج ال gastrin سواء بالـ somatostatin نفسه أو
باللي شبيهه اللي هو ال octreotide
فاضل إيه بقى يعالج ال anti-secretory ulcer

Prostaglandins:

إن أنا ادى prostaglandin blocker بقى ولا إيه؟!
لا، إن أنا ادى حاجة تنشط، دا اللي هو ال analogue بتاعنا اللي اسمه إيه misoprostol خلاص خلصنا منه بقى.

Proton Pump Inhibitor

فاضل آخر حاجة بقى إن شاء الله أنتوا بقى الجيل الجديد بقى،
الجيل بتاعنا احنا اترينا على ال H2 blockers في وقتنا أهم حاجة ف علاج ال ulcer ال H2 blockers ، ويقال إنها في وقت

Introduction to peptic ulcer

من الأوقات على فكرة كانت أعلى مبيعات في الأدوية، في وقت من الأوقات أول ما طلعت كده أو بعدها بشوية كآنت أعلى أدوية بتتاخذ هي الـ H2 blockers ،

دلوقتي الأدوية الأساسية ف علاج الـ ulcer هي الـ proton pump inhibitors ويمكن ليها اختصار (PPI) proton pump inhibitors

عشان نحفظهم إن شاء الله افكر إيه بقى، إن كل المجموعة دي كلهم آخرها **prazole** كلها في الاسمى العلمية كلها آخرها prazole

هنسمع عن omeprazole

هنسمع عن lansoprazole

هنسمع عن pantoprazole

هنسمع عن دوا جديد اسمه esomeprazole ،

كلهم بالنسبالي في سنة تالته كلهم شبه بعض كلهم بيشتغلوا by inhibition of proton pump ، بيمسكوا ف الـ hydrogen potassium ATPase دوا ويمنعوا شغله،

أقول لك معلومه سابقه لوقتها شويه They are IRREVERSIBLE INHIBITORS ، أنا باخد الدوا بيقد ف جسمي تقريبا 3 أو 4 ساعات، بس ف الجرعة اللي أخذتها دي هتقعد عل الأقل يوم شغالة، حد فاهم حاجة!

الدوا نفسه مش هيبقى موجود ف جسمي بعد 4 ساعات، لكن الـ proton pump مش هتشتغل لحد ما اصنع proton pump جديدة، مفهوم يا جماعة!

مرة جه سؤال كان أسئلة give reason كان دايما بيبقى فيها حاجة بالتفكير كده

ليه الـ duration بتاعة الـ proton pump inhibitors أكثر بكتير من الـ $t_{1/2}$ بتاعتهم؟

فهنا السؤال يعنى هم الـ $t_{1/2}$ بتاعتهم الفترة اللي بينزلوا فيها للنص وبعديها النص وهكذا لحد ما يختفى بتبقى بالـ hours مش كده،

لكن ممكن القرص الواحد من الدوا يقعد الـ effect بتاعة 2 to 3 days ،

إيه الإجابة بقى لازم كلمة irreversible inhibitors of the proton pump وبالتالي مش هيرجع تانى HCL secretion لحد ما اكون enzyme جديد .

* -مياثرش أوى علي الـ digestion لكن في ناس بتشتكى انه بيعمل نوع من الـ desipsia

-على فكره هم بيقللوا الـ HCL تقريبا 99% رجعتنا احنا للأرقام دي على فكرة قريب يعنى 99% و 99.99 وكده افكر دا إيه من

ضمن الحاجات اللي 99% الـ proton pump inhibitors تقريبا بيوقفوا الـ HCL secretion ،

الـ H2 blockers بيقال اللي عايز يعرف يعنى إنهم بيقللوا 60 لـ 70 ف المية HCL ،

يبقى دول أقوى بكتير ودول فعلا اللي بيشتغلوا حاليا ف علاج الـ peptic ulcer

-يبقى خلصنا كده مجموعة اسمها الـ anti-secretory drugs
طبيب ناخذ بس كده هدنه ونقول إحنا قولنا إيه بقى النهاردة،

•قولنا يعنى إيه ulcer مش كده،

•وقولنا ازاي نشخص الـ ulcer ،

•وقولنا الـ ulcer سببها imbalance ما بين حاجتين صح mucosa و offensive

ـأو aggressive اللى هو الـ HCL و الـ pepsin و helicobacter و bile salts ،

ـو ما بين mucosal protective اللى هم الـ prostaglandins و الـ mucus و الـ bicarbonate،

الـ ulcer تسأوى imbalance القليل الـ mucosal protective والأعلى الـ aggressive

•علشان أعالج الـ ulcer أرجع الـ balance تانى:

ـأقلل الـ HCL و الـ pepsin و أعالج الـ helicobacter

ـأو أزود الـ protective agents اللى هم الـ prostaglandin وغيره،

•كام مجموعة أدوية عالجوا القرحة بقى؟ فى مجموعة أخيره هقول لك عليها
بعدين مش مهمه أوى،

4 مجموعات أساسية :

* مجموعة اسمها الـ **antacids**

إيه رأيك فيها دى؟ مبيعالجوش الـ ulcer بيعالجوا symptom الـ pain بس مش كده،

*فى مجموعة تانيه اسمها **mucosal protective agents**

إيه الهدف منها دى؟

أعمل شغل الـ prostaglandin صح،

ازود الـ mucous و الـ bicarbonate وإذا كنت أقدر أقلل الحمض كمان ماشى الحال

فيها أدوية مش لازم نحفظها افتكر معايا كده:

كان دوا اسمه **misoprostol** اتقال مرتين صح اتقال هنا mucosal protective واتقال كـ anti-secretory ،

وكان فى دوا اسمه اسمه **sucralfate**

وكان فى حاجة اسمها **colloidal bismuth** كانوا بيعملوا حاجة تانيه مش بس بيعملوا protection للـ mucous membrane

بيعملوا حاجة كمان بيموتوا الـ helicobacter

وكان ف عندنا دوا اسمه **carbenoxolone** بتاع إيه دا؟

العرقسوس، اللى يعالج القرحة لكن يعمل ضغط ويعمل oedema ويعمل مشاكل ف الناس اللى عنده heart failure

*الـ helicobacter تتعالج بـ1 antimicrobial ولا 2 ولا إيه بقى؟

2 لمدة اسبوعين أشهر واحد فيهم أو أهم واحد clarithromycin هنحط معاه دوا تانى بقى amoxicillin أو metronidazole أو حاجة زى tetracycline أو الـ bismuth compounds

*أهم مجموعة فيهم كلهم الـ anti-secretory عندنا receptors عايزة اقفلها اللي هم:

-الـ H2 مجموعة tidine اربع اسامى مش كده cimetidine و ranitidine وشبيهه nizatidine و famotidine أضعف واحد وأوحش واحد cimetidine ، اللي شبه بعض بقى أقوى من الـ cimetidine هم الـ rani و niza ، أقوى واحد ف المجموعة كلها الـ famotidine

-الـ receptor اللي بعد كده الـ muscarinic السامى بقى بتاعة الاتونوميك الـ propantheline و الـ selective M1 blockers اللي سمعناهم قبل كده.

-الـ gastrin يا إما دوا بيقفل زى الـ proglumide يا إما حاجة تقلل الـ gastrin release سواء somatostatin أو دوا مصنع اسمه octreotide

*الحل اللي بعد كده اللي هو الحل الأمثل حالياً ادى proton pump inhibitors عيله الـ prazole ، عشان ف الـ MCQ يا جماعة خدتوا خبرة مش كده، حاجات كده وبتيجى بالشبه يعنى بالطشاش أوى، يعنى prazole خلاص عرفت إنه one of the proton pump inhibitors ، أقوى مجموعة ف علاج الـ peptic ulcer حالياً ودى بتقلل الحمض تقريبا بنسبه 99% و they are irreversible inhibitors of Hydrogen potassium ATPase .

م الكتاب بقي ...

Peptic Ulcer:

الصفحة الأولى كلها قولناها إيه هى الـ peptic ulcer و الـ physiology و الـ symptoms و الـ signs و الـ complication و الـ goals عشان كده أما تيجى تقرأها

Goals of Therapy:

*هو أنا بعالج الـ peptic ulcer ليه؟

1 - إن أنا أعمل healing القرحة تلتئم promotion of healing دا أول هدف،

- 2- إن أنا أقلل الـ pain يعنى relief of pain ،
 - 3- إن أنا أمنع الـ complications ،
 - 4- أمنع الـ recurrence ، الـ peptic ulcer على فكره بتتعالج و ترجع يعنى حاجة very common إن العيان يخف تماما من الـ ulcer وبعدين ترجع له،
- وعايز أقول لك بالذات بقى للشباب اللى بيدخن سجائر هيجيله قرحة أكيد إن شاء الله ربنا كريم و عمره ما هيخف من القرحة طول ما هو بيدخن ولو رجعت الأدوية لمت شوية هترجع تانى و هترجع تانى وهكذا فال smoking دا من الحاجات الأساسية فى الـ peptic ulcer ، طبعا فى العمل هيبقى عندنا حاجات ممنوعة وحاجات مسموح بيها هنعرفها إن شاء الله ف الـ clinical

Drug Therapy:

- الـ drug therapy احنا تقريبا قولنا تقسيمة الأدوية كلها،
- فى بس عندنا قبل ما انسى اللى هى الـ **other drugs** ، الأدوية ببسوها ساعات adjuvant عارفين يعنى إيه كلمه adjuvant ؟ مساعد يعنى مش لازم الدوا دا، دوا بس هيزود الاحتمالات
- فى من ضمنهم حاجة اسمها **sedatives** أو الـ **tranquilizers** لما ناخذ إن شاء الله الـ CNS يعنى ممكن نسميهم دلوقتى مهدئات مبدئيا كده
- أنتوا عارفين الـ ulcer بتيجى دايماً فى الرجالة فاكرين الكلام ده خدتوها ف الباثولوجى ولا لسه بتيجى ف الـ males ويمكن مبتجيش فى الـ females خالص الحقيقة
- وتيجى دايماً فى الناس اللى under stress يعنى كانت دايماً مشهورة كده إنها بتيجى ف الناس رجال الأعمال المحاميين الدكاتره و مرتبطة بالـ blood groups على فكره يعنى يقال إن الـ blood group O هو الـ common أى فيه الـ ulcer
- *آه هو الـ stress يعمل حاجات كتيرة أى ملهاش علاقه بالـ sympathetic مش كده، الـ stress دا معناه sympathetic stimulation
- ليه الـ stress يعمل قرحة مع إن الـ stress يزود sympathetic و الـ sympathetic ملهوش دعوة بالحمض؟ !
- اللى بيزود الحمض دا الـ vagus مش كده
- هو بيبوظ و بيققل أى الـ mucosal defense mechanism
- يعنى لقوا إن مع الـ stress بيحصل مشكله فى الـ vascularility بيحصل مشكلة فى الـ anabolism عموماً يعنى فى تلاقى يحصل نوع من الانهيار فى الـ defensive mechanism بتاع الجسم من ضمنها الـ mucosal protection ،
- فى ناس تانية بقى بتقول لك بقى إن الـ stress دا بيعلى معاه cortisolone احنا أخذنا بالناس إن الـ cortisolone دا من الحاجات اللى ممكن تكون ليها علاقه بالـ ulcer لأنها بتمنع تكوين الـ prostaglandin . دا بالنسبة للجزء بتاع الأدوية المساعدة ممكن أدى بقى أدوية مطمئنة بقى أو مهدئة هنسمعها إن شاء الله فى الـ CNS

- فى مجموعة ف الأدوية اسمها **tricyclic anti-depressants** يعنى إيه؟

يعنى أدوية بتعالج الإكتئاب و شكلها الكيمياءى عبارة عن 3 cycles بالظبط، الأدوية دى غير إنها بتقلل الـ stress و الإكتئاب و الحاجات اللى ممكن يكون ليها دور ف الـ ulcer لقوا إن هى ليها anti-muscarinic action بيساعد شويه ف الـ ulcer وليها كمان H2 blocker action يعنى من ضمن الحاجات اللى بتعملها إنها تقفل كمان الـ H2 كان زمان طالعة موضة كده علاج الـ ulcer بالأدوية دى دلوقتى بعتبرها مجرد دوا مساعد.

- الـ **estrogen** بقى من الحاجات الـ protective عشان كده الستات مبيجلهمن ulcer خالص لحد الـ menopause ممكن يبتدى يبان الـ ulcer ، تفكر ليه؟!

هو سؤال صعب أوى بس تفكر ليه الـ estrogen مبيخلش يحصل قرحة؟

← الـ estrogen ممكن يكون ليه دور فى تكوين الـ prostaglandin ، لكن فى حاجة مهمة أوى الـ estrogen غالباً inhibitory على الـ proton pump دا enzyme مش كده ، والـ estrogen يتقال عليه إنه دا enzyme inhibitor لو فاكرين أيام الـ general ببقل شوية الـ metabolism بتاع الأدوية و الـ hepatic enzymes قد يكون السبب إنه ببقل كمان الـ activity of the proton pump ، تعالى أنت بقى على راجل كده عنده قرحة وقول له أعالك بـ ! estrogen ، لايمكن طبعا لايمكن! دى بقى اللى بيقلوها عليها الـ adjuvant drugs

Antacids:

-نبدأ بقى نتكلم كده على مجموعة كده اسمها الـ antacids ، الـ antacids على فكرة، الـ antacids عموماً MCQ و clinical ، يعنى نفهمها كده ونقراها ونعرفها الأسئلة بتاعتها كده لحد ما تبان الرؤية، فى عندنا يا جماعة مجموعتين من الـ antacids